

քարանց եղեալ էին զնորս . կոչեցին անդ զճարտարասէտն
և զորմաղիրս եւ զմանս յայլազգեաց Սիոնի , եւ նոքա
ցուցանէին միայն զորմն զայն շինեալ ըստ հրամանին :
Զրովանդակ քննութիւնս 'ի գրի եհար դատաւորն պա-
րագայիւք . 'ի ԿՕ Բէպիւ չվիլէլ ամսոյ , 1070 (1649) :
Սակայն պատգամաւորն Ապտորահման ոչ մնաց առնուլ
զսլատասխանի նամակի տեսնն իւրոյ , այլ միայն ետես
զարդիւնս քննութեան և դարձաւ անդրէն 'ի տեղի իւր :
Իսկ դատաւորն գրեալ ծանոյց զամենայնն ըստ հրամանի
նորին , և զանհամբեր բարս պատգամաւորին :

Ի սմին ժամանակի ընկեցին զԱստուածատուր Պատրիարք
յԱթուոյն . այլ նորա աճապարեալ մատոյց դիր ազաջանաց
'ի Դուռն , և վերստին էստ հրովարտակ վասն հաստատու-
թեան իշխանութեան իւրոյ , որպէս է տեսնել 'ի կարգս
Պատրիարքական Պերաթից : Ի սոյն հրովարտակի Սուլթան
Մուհամմէտ՝ Դ . խաղիւ պատուիրէ դատաւորին երուսա-
ղէմի և մեծամեծացն այլազգեաց զգործադրութիւն հրո-
վարտակին՝ նստուցանելով զԱստուածատուր յԱթուսն ,
զստահակս և զանհնաղանդս և զդաւադիր խափանիչս իշ-
խանութեան նորին ծանուցանել 'ի Դուռն , կրել զարժա-
նաւոր պատիժս իւրեանց . 1071 (1650) :

Պատմէ աստանօր Մարինոս Լատին՝ թէ 'ի յաճախել
անձրեւաց տարւոյն՝ լցաւ ջուրն յարտաքին գաւիթն Տա-
ճարի Ս . Աստուածածնի , և անտի յորդեաց 'ի ներքս եւ
բարձրացաւ ջուրն մինչեւ 'ի սեղանս . և բազում աշխա-
տութեամբ դատարկեալ զայն մաքրեցին զեկեղեցին՝ Հայք ,
Յոյնք՝ եւ Լատինք : Որպէս պատահեալ էր յառաջագոյն
և պատահի ցարդ : Ապա միաբանեալ երից ազգաց ետուն
բառնալ զհողն յարտաքին գաւթէ , որ դիգեալ էր 'ի չափ
կանդնոյ , և երեւեցաւ յատակն սալեալ քարամբք , և գտաւ
անդ ջրհոր մի մեծ , բայց առ երկիւղի Արարացւոց՝ եղին
կափարիչ 'ի բերան նորա և ծածկեցին : Այս ջրհոր ծած-
կեալ կայ ցարդ յարեւմուտս կոյս մերձ յորմն պարտիզին
Հայոց : Ապա նորոգեցին զորմն և զյատակն Հայք՝ և Յոյնք ,
և զարեւելեան որմն՝ Լատինք ընդ ճանապարհի մատրան
իւրեանց (1648) : Յաւելու դարձեալ՝ թէ ես Մարինոս
վերատեսուչ Լատին վանաց նորոգեցի զգերեզմանս Սուրբ